

լոց, եւս և գործարանին նօքէլի, որ զնաւթն զտէ, և նաւթաբուզիս գործարանացն ի Բալախանի, իսկ Կայսրուհին ընդ ժառանգին նաեւ ի Սուրախանի, ուր հրաբուզիսն է և կրակապաշտից ատրուշանն: Նորատեսիլ էին գլխարկք և զգետաք խանիցն Խիվայի և Սղուանստանի. վերջնոյս գլխարկն ճիշդ նման էր գլխարկի քահանայից մերոց ի հնումն— այն է թագաձեւ, իսկ վերնադգետան (խալաթն) բոլորովին նման էր շուրջառի մեր քահանայից, նոյնպէս և գօտին՝ ըստ նմանութեան ժամարարի գօտուոյ:

Յերկոսին երեկոյսն յՑ և յԳ ամսոյս սքանչելի էր ճրագավառութիւնն և հրավառութիւնն յերեսս ծովու և ցամաքին: Նաւք, շոգենաւք և նաւակք սքանչելի իմն երեւեցուցանէին տեսողաց զշքեղութիւն ի ծովու. իսկ ցամաքային փայլումն ի մերձակայ լերինս և ի քաղաքին՝ գերազանցէին զմիմեամբք և լուսեղէն տառքն և բառքն «Աղէքսանդր Գ. և Մարիա», եւս և «Боже, царя храни!» հիացուցանէին զտեսողս, մինչեւ Կայսրն իսկ ի ժամ հացկերութեան ասաց Կայսրուհւոյն ի լուսամտէ անտի ցուցանելով զհրավառութիւնն ի լերին զօրանոցի (Բայիլ) և զովելով ասաց «տեսէք, ո՞րքան գեղեցիկ է լեռնային լուսափայլութիւնն»:

Այսպէս խնդաց Բագուն՝ աւուրս երկուս այցելութեամբ Օգոստափառ Կայսեր. խնդասցէ և յերկրորդումն ընդ շնորհաբեր այցելութեամբ Վեհափառ Հայրապետիդ, և այսպէս պանծասցի Բագուն դարուց ի դարս և զարդարեսցէ զէջս սլատմութեան իւրոյ մեծափառ անուամբք Օգոստափառ Ալէքսանդր Կայսեր և Ձերրդ Վեհափառութեան:

ՄԵՍԻՈՎ, Բ ԱՐՔԵՊԻՍԿՈՊՈՍ ՍՄԲԱՏԵԱՆՑ

*Նորին կայսերական մեծութեան Ալէքսանդր Ալէքսանդրովչի մուտ գործելը Բագու քաղաքը՝ հանդերձ արքայական ընտանեօք:*

**Ա**րագրերը քանի ամիսներ յառաջ զբուս և հրատարակում էին որ Օգոստափառ Կայսրն ամենայն Ռուսաց Ալէքսանդր Ալէքսանդրովիչն պէտք է այցելէ Կովկասեան աշխարհին: